



(„Sl. novine BPK Goražde“, broj: 12/21)

Bosna i Hercegovina  
Federacija Bosne i Hercegovine  
Bosansko-podrinjski kanton Goražde  
**MINISTARSTVO ZA BORAČKA PITANJA**

**P R A V I L N I K**  
**ZA UTVRĐIVANJE PRAVA**  
**NA BANJSKO-KLIMATSKO LIJEČENJE**

Goražde, oktobar 2021.godine

Na osnovu člana 22. stav (3) Zakona o dopunskim pravima branilaca i članova njihovih porodica u Bosansko-podrinjskom kantonu Goražde ("Službene novine BPK Goražde", broj: 9/13, 11/14 i 15/19), Ministar za boračka pitanja Bosansko-podrinjskog kantona Goražde, uz saglasnost Vlade Bosansko-podrinjskog kantona Goražde, **d o n o s i:**

## **P R A V I L N I K** **ZA UTVRĐIVANJE PRAVA NA** **BANJSKO-KLIMATSKO LIJEČENJE**

### **POGLAVLJE I-OSNOVNE ODREDBE**

#### **Član 1.** **(Osnovne odredbe)**

Ovim Pravilnikom definišu se korisnici prava, uređuju način i postupak ostvarivanja prava na banjsko-klimatsko liječenje, podnošenje zahtjeva, obavezna dokumentacija, uvjeti za ostvarivanje prava, nadležna komisija za odlučivanje, vremenski termini upućivanja na banjsko liječenje, prioriteti pri ostvarivanju prava, način realizacije, lista dijagnosticiranih oboljenja, način i postupak ostvarivanja prava na banjsko-klimatsko liječenje i finansiranje ostvarivanja ovih prava.

#### **Član 2.** **(Korisnici prava)**

Pravo na banjsko-klimatsko liječenje mogu ostvariti lica iz člana 1. i 2. Zakona o dopunskim pravima branilaca i članova njihovih porodica u Bosansko-podrinjskom kantonu Goražde (Službene novine BPK Goražde", broj 9/13, 11/14 i 15/19, u daljnjem tekstu: Zakon) i to: ratni vojni invalidi i članovi porodica umrlih ratnih vojnih invalida (korisnici prava na porodičnu invalidninu), članovi porodica šehida, članovi porodica poginulih, umrlih i nestalih branioca, dobitnika ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja (korisnici prava na porodičnu invalidninu), branioci, demobilizirani branioci, članovi porodica umrlih demobiliziranih branilaca, dobrovoljci, organizatori otpora, veterani i ratni vojni zarobljenici, kao lica zaslužna u odbrambeno-oslobodilačkom ratu sa područja Bosansko-podrinjskog kantona Goražde ( u daljnjem tekstu: Kanton), kao i mirnodopski vojni invalidi.

#### **Član 3.** **(Objava javnog poziva)**

Ministarstvo za boračka pitanja Bosansko-podrinjskog kantona Goražde (u daljnjem tekstu: Ministarstvo) za svaku godinu, a nakon usvajanja Budžeta Bosansko-podrinjskog kantona Goražde, objavljuje javni poziv za ostvarivanje svih prava utvrđenih Zakonom o dopunskim pravima branilaca i članova njihovih porodica u kojima je i pravo na banjsko-klimatsko liječenje.

### **POGLAVLJE II - NAČIN I POSTUPAK OSTVARIVANJA PRAVA NA BANJSKO-KLIMATSKO LIJEČENJE**

#### **Član 4.** **(Način podnošenja zahtjeva)**

- (1) Zahtjev za ostvarivanje prava na banjsko-klimatsko liječenje lica iz člana 2. ovog Pravilnika podnose putem službi za boračko-invalidsku zaštitu (u daljnjem tekstu: Prvostepeni organ) grada/općine na kojoj imaju prebivalište-boravište.
- (2) Podneseni zahtjevi za ostvarivanje prava iz stava (1) ovog člana važe za budžetsku godinu u kojoj su podnijeti.

## **Član 5.**

### **(Obavezna dokumentacija za ostvarivanje prava na banjsko-klimatsko liječenje)**

(1) Obavezna dokumentacija koju dostavljaju svi podnosioci zahtjeva za ostvarivanje prava na banjsko-klimatsko liječenje je:

- a) Dokaz da je lice iz člana 1. i 2. Zakona (uvjerenje o vremenu provedenom u OS RBiH, rješenje o ličnoj invalidnini, rješenje o porodičnoj invalidnini, dokaz za nosioce najviših ratnih priznanja);
- b) Medicinska dokumentacija;
- c) Preporuka ljekara specijaliste iz zdravstvene ustanove u kojoj se podnosilac zahtjeva liječi;
- d) Obavještenje o prebivalištu/boravištu CIPS.

(2) Kao dokazi iz stava (1) ovog člana dostavljaju se originali dokumenata ili ovjerene fotokopije istih.

## **Član 6.**

### **(Uslovi za ostvarivanje prava na banjsko-klimatsko liječenje)**

Pravo na banjsko-klimatsko liječenje mogu ostvariti lica iz člana 2. ovog Pravilnika pod uslovom da se kod tih lica radi o liječenju koje je neophodno kao nastavak liječenja od zadobijene rane, povrede, ozljede ili bolesti koja je propisana kao indikacija za to liječenje, a koje se obavlja u specijaliziranim zdravstvenim ustanovama u kojima se u liječenju primjenjuje i prirodni faktor, drugim zdravstvenim ustanovama u kojima se liječenje obavlja pretežno prirodnim faktorom, kao i **ustanovama** i privrednim društvima osnovanim za liječenje, odmor i rekreaciju u kojima se u liječenju primjenjuje prirodni faktor.

## **Član 7.**

### **(Komisija nadležna za odlučivanje)**

(1) O potrebi za banjsko-klimatskim liječenjem, na osnovu zahtjeva i obavezne dokumentacije iz člana 5. ovog Pravilnika odlučuje Ljekarska komisija.

(2) Ljekarsku komisiju imenuje Ministar za boračka pitanja BPK Goražde, u sastavu od tri ljekara specijaliste.

(3) Ljekarska komisija donosi Poslovnik o radu.

(4) Odluke Ljekarske komisije moraju biti potpisane od najmanje dva člana, te kratko obrazložene, sa obaveznom naznakom reda prioriteta upućivanja na banjsko-klimatsko liječenje, a u slučaju odbijanja zahtjeva i upućivanja na ambulantni tretman odluke moraju sadržavati razloge odbijanja.

(5) Ljekarska komisija o svom radu izvještava Ministarstvo, najmanje jedanput mjesečno.

(6) Administrativno tehničke poslove za potrebe Ljekarske komisije vrši sekretar Komisije kojeg imenuje Ministar iz reda uposlenih u Ministarstvu.

(7) Sekretar Ljekarske komisije vrši koordinaciju između Ministarstva i općinskih/gradske službe za boračko-invalidsku zaštitu u BPK Goražde, prima zahtjeve upućene od općinskih/gradske službe za boračko-invalidsku zaštitu za Ljekarsku komisiju, poziva članove Komisije i organizuje sastanke Komisije i učestvuje u radu iz domena stručne spreme, vodi brigu o rasporedu upućivanja korisnika u banjsko-klimatska lječilišta sa kojim Ministarstvo ima zaključen Ugovor, a u cilju ravnomjernog izvršenja ugovornih obaveza, vodi evidenciju o visini utrošenih sredstava, sačinjava zapisnik i izvještaje Komisije koje dostavlja Ministru.

Radi i druge poslove u skladu sa stručnom spremom i ukazanom potrebom u cilju efikasnije realizacije prava na banjsko-klimatsko liječenje.

**Član 8.**  
**(Postupak za ostvarivanje prava)**

(1) Kompletiran zahtjev Prvostepeni organ putem Ministarstva dostavlja na odlučivanje Ljekarskoj komisiji. Kompletiran zahtjev pretpostavlja da je Prvostepeni organ utvrdio da podnositelj zahtjeva ispunjava uslove propisane Zakonom i ovim Pravilnikom za ostvarivanje prava na banjsko-klimatsko liječenje i da je predata sva obavezna dokumentacija iz člana 5. ovog Pravilnika.

(2) Ljekarska komisija nalaz, ocjenu i mišljenje o potrebi i upućivanju na banjsko-klimatsko liječenje ili o odbijanju zahtjeva, uz posredstvo sekretara Komisije vraća Prvostepenom organu.

(3) Ljekarska komisija utvrđuje i potrebu za pratiocem u toku putovanja na liječenje i povratka i potrebu stalnog prisustva pratioca za vrijeme liječenja bez korištenja medicinskih usluga za svaki slučaj pojedinačno.

(4) U roku od pet dana od dana prijema nalaza i mišljenja Ljekarske komisije sa dokumentacijom u spisu predmeta, Prvostepeni organ na pogodan način obavještava podnosioca zahtjeva kome je odobreno banjsko-klimatsko liječenje, a onima kojim je zahtjev odbijen obavezno upućuju pismenu obavijest sa razlozima odbijanja.

(5) Podnosioci zahtjeva koji su nezadovoljni odlukom Ljekarske komisije, mogu u roku od 8 dana od prijema obavijesti, podnijeti prigovor Ljekarskoj komisiji putem Prvostepenog organa. Prigovor mora biti obrazložen uz eventualno dostavljanje novih dokaza i mišljenja ljekara specijaliste iz zdravstvene ustanove koji je dao preporuku za ovu vrstu liječenja ili drugu medicinsku dokumentaciju, odnosno dokaze iz kojih se može utvrditi postojanje indikacije o potrebi banjsko-klimatskog liječenja.

(6) Po prigovoru iz stava (5) ovog člana rješava Prvostepeni organ u roku od 15 dana od dana zaprimanja prigovora, a na osnovu konačnog nalaza i mišljenja Ljekarske komisije.

(7) Pokrenuti postupci po prigovoru koji nisu okončani u tekućoj godini, nastaviće se u narednoj godini u skladu sa odredbama ovog Pravilnika.

**Član 9.**  
**(Rješenje o upućivanju na banjsko-klimatsko liječenje i vođenje evidencije o korisnicima)**

(1) Na osnovu nalaza i mišljenja Ljekarske komisije nadležna služba za boračko-invalidsku zaštitu (Prvostepeni organ) donosi rješenje o upućivanju na banjsko-klimatsko liječenje.

(2) Prvostepeni organ vodi kompletnu evidenciju o korisnicima koji se prema ovom Pravilniku upućuju na banjsko-klimatsko liječenje i o tome dostavlja šestomjesečni izvještaj Ministarstvu, a po potrebi i ranije.

**Član 10.**  
**(Prioriteti pri ostvarivanju prava)**

Prioriteti za ostvarivanje prava na banjsko-klimatsko liječenje za lica iz člana 2. ovog Pravilnika, koja ispunjavanju uslove propisane Zakonom i ovim Pravilnikom utvrđuju se kako slijedi:

a) RVI-paraplegičari, zajedno sa pratiocem, jedanput godišnje u trajanju od 14 dana, bez obzira na ljekarski nalaz;

b) Podnosioci zahtjeva sa ljekarskom preporukom koja sadrži prijedlog za nastavak liječenja, a pod uslovom da ovo pravo nisu ostvarila putem nadležne zdravstvene ustanove upućivanjem na nastavak liječenja u banjsko-klimatsko lječilište preko Zavoda zdravstvenog osiguranja Bosansko-podrinjskog kantona Goražde.

c) Podnosioci zahtjeva sa potrebom poboljšanja ili održavanja trenutnog zdravstvenog stanja, prvenstveno visoke amputacije donjih ekstremiteta, a potom ostali podnosioci zahtjeva spram težine zdravstvenog stanja, izražene potrebe iz upute ljekara specijaliste i iskazane želje podnosioca zahtjeva za boravkom u određenom banjском lječilištu.

#### **Član 11.**

##### **(Vremenski termini upućivanja na banjско-klimatsko liječenje)**

(1) Vremenske termine (datum i mjesec) upućivanja korisnika ovog prava u banjска lječilišta planira Prvostepeni organ.

(2) Trajanje banjскоg-klimatskog liječenja je 14 dana, a prema odluci Ljekarske komisije trajanje liječenja može se produžiti za sedam dana, uz saglasnost Ministarstva.

(3) Pravo na banjско-klimatsko liječenje odobrava se u pravilu jednom u toku dvije godine, a izuzetno jednom godišnje za ratne vojne invalide za koje na osnovu medicinske dokumentacije Ljekarska komisija procijeni da je nužno.

(4) Vremenske termine (datum i mjesec) upućivanja u odobreno banjско-klimatsko lječilište može biti prolongirano iz opravdanih razloga kao što su pogoršano zdravsteno stanje korisnika (pratioca) i članova porodičnog domaćinstva, smrtni slučaj u porodici, te druge opravdane okolnosti na koje saglasnost daje Ministarstvo.

(5) Za saglasnost iz predhodnog stava ovog člana korisnici prava su dužni uz zahtjev za prolongiranje vremenskog termina dostaviti pismenu dokumentaciju kojom dokazuju opravdane okolnosti na osnovu koje se traži predmetna saglasnost.

#### **Član 12.**

##### **(Broj korisnika koje je moguće uputiti na banjско-klimatsko liječenje u jednom vremenskom terminu i utvrđeni odnos po kategorijama)**

(1) U vremenskom periodu od 14 dana za maksimalno 10 korisnika iz člana 2. ovog Pravilnika utvrđuje se slijedeći odnos i broj korisnika:

a) ratni vojni invalidi i članovi porodice umrlih ratnih vojnih invalida (korisnici prava na porodičnu invalidninu), mirnodopski vojni invalidi - 6 korisnika;

b) demobilizirani branioци, dobrovoljci i članovi porodica umrlih demobiliziranih branioца - 2 korisnika;

c) članovi porodica šehida/poginulih boraca - 2 korisnika.

(2) U ostvarivanju prava na banjско-klimatsko liječenje prednost pod jednakim uslovima u okviru boračke kategorije kojoj pripadaju imaju dobitnici ratnih priznanja i odlikovanja i članovi porodice poginulog, umrlog i nestalog dobitnika ratnog priznanja i odlikovanja.

(3) U slučaju smanjenog broja korisnika u vremenskom periodu iz stava 1. ovog člana iz neke od kategorija zbog nedovoljnog broja zahtjeva, izuzetno odnos korisnika uz obaveznu saglasnost ministarstva ukoliko ima raspoloživih sredstava osiguranih za predmetne namjene može se promijeniti, odnosno izvršiti popuna upražnjenih mjesta iz reda drugih kategorija.

(4) Saglasnost ministarstva za popunu upražnjenih mjesta neovisno od rasporeda boračkih kategorija iz stava (1) ovog člana, ovlaštena služba za boračko-invalidsku zaštitu za donošenje zbirne odluke za upućivanjem na banjско-klimatsko liječenje može uputiti jedan zahtjev Ministarstvu za vremenski period od 60 dana, odnosno najviše 6 (šest) zahtjeva u toku trajanja ugovora sa odabranim dobavljačem pod uslovom definisanim u predhodnom stavu.

(5) Prilikom popune upražnjenih mjesta općinske/gradska služba obavezna je da odobrene od strane Ljekarske komisije, a nerealizovane zahtjeve popuni u jednakom omjeru iz reda drugih kategorija.

### **Član 13.**

#### **(Ovlaštena služba za boračko-invalidsku zaštitu za donošenje zbirne odluke o upućivanju na banjsko-klimatsko liječenje)**

(1) Prvostepeni organ sa najvećim brojem korisnika (Služba za boračko-invalidsku i socijalnu zaštitu Grada Goražda) će donijeti konačnu zbirnu odluku o upućivanju grupe korisnika iz člana 12. za period definisan u članu 11. na banjsko-klimatsko liječenje u ustanove iz člana 6. ovog Pravilnika.

(2) Odluka iz predhodnog stava ovog člana, dostavlja se Ministarstvu i ustanovama iz člana 6. ovog Pravilnika.

### **Član 14.**

#### **(Lista dijagnosticiranih oboljenja po osnovu kojih se vrši upućivanje na banjsko-klimatsko liječenje)**

(1) Ljekarska komisija upućivanje na banjsko-klimatsko liječenje prvenstveno vrši po osnovu sljedeće liste dijagnosticiranih oboljenja:

- a) Arthritis Rheumatoides
- b) Hemiparcsis
- c) Paraparesis
- d) Quadriparesis
- e) Hemiplegia
- f) Paraplegia
- g) Sclerosis Multiplex
- h) Hernia disci I. V
- i) Spondilosis V. LS derfomans partim ankylosans
- j) Coxarthrosis gravis
- k) St. post amputationem extremitas (femoris, cruris)
- l) St. post op. fracturam extremitas
- m) St. post implatationem endorothesis

(2) Ljekarska komisija može u postupku donošenja nalaza, ocjene i mišljenja, ako utvrdi da je potrebno zatražiti da se dopuni ili obnovi medicinska dokumentacija na osnovu koje se odlučuje o potrebi upućivanja na medicinsku rehabilitaciju.

(3) Izuzetno od liste iz stava (1) ovog člana, Ljekarska komisija može odobriti podnosiocu zahtjeva banjsko-klimatsko liječenje i ukoliko nisu navedene gore navedene dijagnoze, pod uslovom da za takvo liječenje ne postoje kontraindikacije i da bi banjsko-klimatsko liječenje moglo povoljno uticati na liječenje postojećeg oboljenja.

(4) Izbor banjsko-klimatskog lječilišta Ministarstvo vrši u skladu sa Zakonom o javnim nabavkama putem Pregovaračkog postupka, u skladu sa Pravilnikom o postupku dodjele Ugovora o uslugama iz aneksa II. dio B. Zakona o javnim nabavkama sa više banjsko-klimatskih lječilišta.

### **Član 15.**

#### **(Naknada troškova prijevoza do banjsko-klimatskog lječilišta)**

Lica iz člana 2. ovog Pravilnika koja su korisnici banjsko-klimatskog liječenja imaju pravo na naknadu troškova prijevoza do lječilišta, ukoliko od strane Ministarstva nije organizovan prijevoz do mjesta u koja se upućuju na liječenje.

U slučaju da nije organizovan prijevoz do lječilišta naknada troškova prijevoza odobrava se u visini povratne autobuske karte izdate od ovlaštenog prijevoznika od Goražda do mjesta banjsko-klimatskog lječilišta u koje se korisnik upućuje na liječenje.

Za korisnike koji koriste vlastiti automobili ili drugo prijevozno sredstvo do banjsko-klimatskog lječilišta pod uslovima i visini propisanom u predhodnom stavu ovog člana mogu ostvariti pravo na naknadu troškova prijevoza.

### **POGLAVLJE III - FINANSIRANJE**

#### **Član 16.**

Finansiranje prava iz ovog Pravilnika za svaku godinu obezbjeđuje se do visine sredstava odobrenih za ove namjene u Budžetu Kantona.

### **POGLAVLJE IV - PRELAZNE I ZAVRŠNE ODREDBE**

#### **Član 17.**

##### **(Prelazne odredbe)**

(1) Ljekarska komisija je dužna u roku od 30 dana usaglasiti svoj Poslovnik o radu sa odredbama ovog Pravilnika.

(2) Postupci za ostvarivanje ovog prava koji su započeti do dana stupanja na snagu ovog Pravilnika, bit će okončani po odredbama Pravilnika („Sl. novine BPK Goražde“ broj: 3/20, 6/20, ispravka 11/20 i 9/21).

#### **Član 18.**

##### **(Ravnopravnost spolova)**

Sve imenice koje se odnose na nosioce pojedinih prava upotrebene u ovom Pravilniku samo u muškom ili samo u ženskom rodu, odnose se na oba spola.

#### **Član 19.**

##### **(Stavljanje van snage propisa)**

Donošenjem ovog Pravilnika prestaje da važi Pravilnik za utvrđivanje prava na banjско-klimatsko liječenje („Sl. novine BPK Goražde“ broj: 3/20, 6/20, ispravka 11/20 i 9/21).

#### **Član 20.**

##### **(Stupanje na snagu Pravilnika)**

Ovaj Pravilnik stupa na snagu danom dobijanja saglasnosti od Vlade Bosansko-podrinjskog kantona Goražde, a naknadno će se objaviti u „Službenim novinama BPK Goražde“.

Broj: 11-11-1302-5/21  
Goražde, 23.11.2021.godine

**MINISTAR**

Edin Aganović

Na ovaj Pravilnik Vlada Bosansko-podrinjskog kantona Goražde dala je saglasnost svojom Odlukom broj: 03-37-2060/21 od 19.11.2021.godine.